

BEL MATADO
A/C : Fred Deshayes

On sel pawol ou té di mwen
Kon couto pèsé kè an mwen
On confidans ou té fè mwen
Yenki séché andidan mwen

On pawol an pé-é répété
An confesyon pou on labé
E menm adan lextrem onxyon
An pisimyé rété la kon couyon

An pa kolè an pa faché
Mé tout biten ni ou gou anmè
An pé pa reprochéw ayen
Ou toujou fè sa ki té byen

Mandéw padon é pou ki sa
Pa ni pon fot adan tou sa
Mwen té enméw an kantité
Mé an pa enméwn jan ou vlé

An di an pa on nonm si an rété la
Mé an pa ayen si ou pa la
Aló mwen vini vwèw on dènyé fwa
Mé sé yenki pou diw ovwa

Bel matado
Jodi jou sé denié jou
Bel matado an pé pa caché lanmou
An vin diw ovwa sé tout

Bel matado
Jodi jou sé denié jou
Bel matado
Alo pa kryé mwen doudou

An pa ka kwè asi latè on moun pé
enménw plis ki mwen
Mé an ja byen konprann a lè on moun
pé enmenw mié ki mwen

An pa gran grek mé an pa sot
Pètèt an pran plas a on lot
Rev la mwen té désiné la
Pètèt pou vou en fet sété on cochma

An di an pa on nonm si an rété la
Mé an pa ayen si ou pa la
Aló mwen vini vwèw on dènyé fwa
Mé sé yenki pou diw ovwa